

衙舍宮室

土木興作之事畱心民瘼者戒之茅茨土階古今稱盛然衙舍以治事倉廩以積貯臺亭樓閣亦爲一邑壯觀雖無取於華麗亦不宜於傾頽呈貢迭罹兵燹城池無存矧下此者乎詢故老而稽舊志猶班班可考也志衙舍宮室

縣治在三台之陽前爲正堂三閒堂之左爲庫右爲駕閣兩廊爲六房前爲戒石亭又前爲儀

門門左爲土地祠寅賓館便民倉右爲監房爲羈候舖又前爲大門上爲應宿樓門左右爲申明旌善二亭承宣保障二坊堂後爲川堂爲廚房後爲知縣衙堂西爲典史衙署俱洪武十三年知縣揭官保建俱久廢今其地爲學宮

今縣衙在城之東原係分司行署兵燹之後康熙元年知縣趙申禧以爲署歷任因之大門三閒儀門一閒大堂三閒花亭三閒糧捕府徐斌署縣事於後

亭三閒知縣饒啟心易以



瓦房

學署昔皆寄居佛寺康熙三十年間訓導楊涓捐俸建草屋二層於縣署之東教諭訓導同居典史衙署舊在縣衙內因縣治廢衙舍無存康熙二十年間典史趙彙奇捐俸於今縣署左建草屋三層歷任因之康熙四十年間典史孔宸以草堂易瓦新建書屋三間察院行臺在縣治西北後倚三台面臨昆海廳堂臺榭弘敞可觀上司至者每稱盛焉今廢改義學

呈貢縣志

卷之二

宮室

二

布按分司在縣治右成化五年知縣完顏章建今爲縣署

醫學在縣治西永樂中建今廢

義學在察院舊址康熙二十九年知縣魯國華詳請

各憲捐俸鼎建延師訓迪生童

預備倉在縣治西古城弘治四年建今廢

鳳山講堂在縣西知縣朱若功建

貢生戴琦捐銀拾兩

義倉在義濟院左禹曆四十三年知縣何在圖

建今廢  
熙二十九年知縣魯國華借烏龍浦  
垂恩寺前殿爲倉今仍之

雍正二年奉

旨設社倉八處每倉簽社長二人其歛放一照

部例法一在北門三台山一在東門關聖廟一在  
南門龍翔寺一在西門萬壽寺一在歸化城一  
在安江村一在海晏村一在靈源村後貯各村  
義房二一在義倉右知縣聶世濟建一在龍鎮  
街知縣廖東晞建今廢

呈貢縣志

卷之二

宮室

三

義房一在縣內西門衆善姓建今傾頽

義塚二一在呈貢北門外一在歸化北門外康

熙二十九年知縣魯國華捐俸買置

義塚一在北門路邊知縣祝鍾儁買置

歸化縣治在樂祖阜之陽洪武十三年建

琴堂寢廳及典史廳左右六房天順閒典史郭

子璋建儀門弘治十年知縣周濟建後堂成化

十九年知縣沈琮建申明旌善二亭正德閒知

縣徐全字美字慶字隆慶六年知縣夏可漁建土

地祠分司在縣治右嘉靖閒知縣范弘建今廢  
義學在縣治東知縣饒啟心建預備倉在縣門  
右今廢

養濟院在縣治西弘治十年典史沈福建久廢  
雍正三年知縣朱若功重建

吞海亭在察院行宮俯瞰昆池與太華相對殊  
可豁目督學楊思孔有酒渴思吞海詩狂欲上  
天之聯亦一方之勝景也前後脩葺甚屬巨麗  
駐節名卿畱題頗衆今廢

呈貢縣志

卷之二

宮室

四

一覽亭在三台山上昆海華山之勝收覽無遺  
溫陵李贄有一覽收滄海三台自草亭之聯  
觀魚亭在白龍潭下邑人李復宗建

印心亭在縣治南龍市橋西知縣黃宇建典史  
孔宸重修久廢關係通邑風水知縣朱若功允  
紳士李綏夏戴天錫李彥英戴尚雲昌孔暄請重建  
雙鹿亭在縣南龍翔寺之左萬曆庚辰年知縣  
黃宇同教諭鄒國相庀材脩葺有雙鹿來鳴之  
祥後二八許頌秩今廢

官師

官無論尊卑盡職為良祿無論厚薄素餐是戒  
然往者之蹟來者之鑒也讀司馬溫公題名記  
後之君子可以興矣呈貢元明以前多不可考  
錄其近而可徵者將借前人而鏡得失可無懼  
歟志官師

秩官

知縣一員歲該俸薪等銀四十五兩紙紅銀二  
十兩

呈貢縣志

卷之二

官師

五

儒學原設訓導一員自康熙四十年開學院王  
之樞

題請奉

七日復設教諭一員兩官一俸歲該銀三十一兩五錢

二分

典史一員歲該銀三十一兩五錢二分

僧道會司

明

知縣

洪武

揭官保 本縣人

趙幹 見名宦

永樂弘熙宣德之間已不可考

正統

何溫 四川廣元人

景泰

方整 四川簡州人

成化

呈貢縣志

卷之二

官師

六

完顏章 江西清江人

何宗洵 湖廣廣濟人

寇如圭 四川宜賓人

王本元 湖廣麻城人

先質 四川納溪人

趙暉

劉華芳 江西豐城人

王玘 江南無錫人

弘治

黃全 江西人

陳希文 廣西河源人

戴綦 湖廣武岡人

陳表 貴州赤水人

正德

李和 江西太和人

張昊 湖廣漢川人

周笈 貴州興隆人

趙壽 陝西漢中人

正貢縣志

卷之二

官師

七

嘉靖

潘錦帳 江南吳縣人

宋謙 浙江秀水人

毛相 貴州會定人

呂和 四川樂至人

曹歸儒 山東蓬萊人

賈從朴 貴州都勻人

隆慶

何其美 四川建昌人

許一德 貴州人 進士

萬曆

馮尚賢 四川遂寧人

孟獻 四川武隆人

黃宇 湖廣瀏陽人

張汝介 廣西永福人

朱赤 四川富順人

聶世濟 四川劍州人

廖東晞 廣東陽朔人

呈貢縣志

卷之二

官師

八

張燭 四川南充人

周思孝 貴州都勻人

晏朝賓 貴州名山

田一井 四川忠州人

何載圖 四川安居人

天啟

周慶禛 湖廣人

楊士先 四川貢人

崇禎



李枝桂 貴州人

黃卷 湖廣人

王信 四川人

夏祖訓 浙江人

本朝

順治

蒲國英 貴州人

康熙

趙申禱 江南人 康熙元年任

呈貢縣志

卷之二 官師

李日章 山東人 貢康 熙七年任

王士星 四川重慶人

劉禹智 湖廣衡州人

沈璿 浙江仁和人 進士 康熙二十二年任

魯國華 浙江會稽人 康熙二十九年任

祝鍾儁 北直襄平人 康熙三十三年任

劉世燬 河南新蔡人 進士 康熙四十一年任

夏瓚 江南人 康熙五十年任

饒啟心 湖廣江夏人 貢康 熙五十五年任

雍正

朱若功

浙江武義人康熙己丑進士  
雍正二年昆明縣調呈貢

附前明歸化知縣履歷年分多不可考但  
存其姓名而已所謂文獻不足徵也

趙幹

楊楫

潘敏

傾正

周尙文

呈貢縣志

卷之二

官師

十

沈琮

李鴻周

陳濟楫

張思曷

建歸化城

朱弼

周永祿

范經

徐全

范弘

丘 溫

張 澤

甘民望

鄒大瑛

壬 寅

李時先

楊廷楠

戴愈奇

陳自言

呈貢縣志

卷之二

官師

十一

程三省

夏可漁

見名宦

胡 敦

余 善

李春先

曹學蘇

蔣如川

王存忠

唐堯封

劉廷齡

王世善

劉大縉 見名宦

鍾國華

刑仕誠

游一清

王佐

儒學

明

呈貢縣志

卷之二

官師

三

教諭

李昇 四川瀘州人

李宣 四川都人

劉養浩 四川樂至人

包文偉 大理人

束浩 貴州畢節人

趙會 宜良人

蕭資毓 馬龍人

蒲羔 霑益人

梁國相 廣西賓州舉人

楊士奇 永平人

陳宗器 陸涼人

周泰然 湖廣綏寧人

黃輔 陸涼人

馬三才 臨安舉人

黃同禮 武定人

劉宗漢 陸涼人

朱時榮 楚雄人

呈貢縣志 卷之二 官師

胡民服 四川大寧人

童遵 鎮南人

本朝

教諭

彭可比 康熙四十年任

郝藩 新興人 恩貢 康熙五十二年任

訓導

馬一熊 康熙元年任

楊應先 鶴慶人

葉光達

澁江人

楊涓

賓州人貢康熙二十五年任

馬驤

楚雄人貢

陳舜徵

蒙化人貢

董兆龍

開化貢督戩人康熙六十一年任

典史明呈貢典史舊志止載一十三人餘不可

考

明

易本尙

呈貢縣志

卷之二

官師

古

李廷敬

羅玆

劉廷富

葉槐

先正陽

高達

朱若環

廖佳

鮮國

尹朝顯

尹相湯

孫劉祖

郭灝 內附歸化

郭子彰

張廣

黃瑄

曹俊

曹濟

呈貢縣志

卷之二 官師

五

沈福

張伯顏

林桂芳

孟瑞

黃中信

余萬鵬

朱永詔

李大中

王卿

田魁

徐廷桂

劉堯民

趙經脩

程朝鳳

田應春

向謨

胡景清

魯德脩

呈貢縣志

卷之二

官師

六

龍淮

饒萬鍾

周廷華

劉棟

徐時昇

王好善

楊道升

本朝

王世魁

四川人  
康熙五年任



趙鼎奇

康熙二十年任

劉成龍

康熙三十年任

王國正

河南人 康熙三十五年任

劉啟運

康熙四十年任

孔宸

浙江人 康熙四十五年任

張文英

浙江人 康熙五十年任

蔡襄

浙江人 康熙五十年任

朱總烜

江西新建人 康熙六十一年任

卷之二 官師

科目 附貢監

唐宋以來科目綦重然果能不愧科目者曾無  
多人是科目不足貴貴在克副科目之實耳太  
上立德其次立功其次立言舍是三者毋為貴  
科目矣呈貢自前明來甲第亦復不少平生志  
不在溫飽王文正公非異人也是惟其人之自  
立耳志科目

進士

明

呈貢縣志

卷之二

選舉

六

嘉靖丙戌科龔用卿榜

陳常道

仕至副使

萬曆庚戌科韓敬榜

陳爰諏

仕至吏部主事

崇禎丁丑科劉同升榜

陳履忠

寄府學仕至御史

本朝

康熙壬辰科王世琛榜

張

旭

翰林院檢討

康熙癸巳

恩科王敬銘榜

湯一中

曲靖府教授調開化府教授

雍正癸卯

恩科于振榜

賈容

舉人

明

永樂甲午科

呈貢縣志

卷之二

選舉

十九

楊子澄

寄晉寧州學

永樂癸卯科

趙恭

景泰庚午科

李春

景泰丙子科

趙俊

成化辛卯科

朱瑀

成化丁酉科

沈經寄府學

弘治壬子科

王璽

孫睿

弘治乙卯科

繆白習義教諭  
祀名宦

弘治辛酉科

陳淳

呈貢縣志

卷之二

選舉

三

正德庚午科

李逢儒

正德丙子科

郝鳳朝任永川  
知縣

正德巳卯科

陳常道

嘉靖壬午科

王相寄府學

嘉靖庚子科

石銀 任隴州知州

繆汝恩 寄府學

嘉靖戊午科

楊津 任知縣

嘉靖甲子科

段尚雲 任四川武隆知縣

隆慶丁卯科

李延馨 任知府

楊德全 初任南京國子監學正內陞工部司務擢都勻知府

萬曆癸酉科

呈貢縣志 卷之二 選舉 三

段正學 任夔州府同知

萬曆丙子科

張薰

萬曆乙酉科

李復宗 經魁仕至象州知州

高雲鳳 高家莊人寄晉寧學

萬曆丙午科

陳爰誼 寄府學任至主事

萬曆己酉科

劉鼎新 經魁仕至叙州府同知

陳崇虞 任陝西鞏昌道

萬曆壬子科

陳爰謀

天啟甲子科

莫可及 任桂林府推官 陞靖州知州

崇禎庚午科

劉光祚 任固安知縣行取 兵部武庫司主事

崇禎丙子科

吳祥百

呈貢縣志

卷之二

選舉

三

陳履忠 仕至御史

崇禎壬午科

繆傳聲

趙東璧

本朝

康熙丙午科

文化遠 有晚春堂詩集行世

周鼎元

張法信

康熙壬子科

趙家玉

康熙補行辛酉科

劉璜

康熙丁卯科

陳萬言

建水州學正

張義

任岑溪知縣祀名宦

康熙庚午科

昌奇

任太和通海教諭陞姚安府教授

呈貢縣志

卷之二

三

康熙乙酉科

陳廷夏

解元

湯一中

康熙戊子科

楊睿

楊焯

祖庠生楊朝楹脩學宮及文昌祠子希孟歲薦孫焯鄉薦人以爲尊敬聖賢

報之

康熙辛卯科

張旭

解元

李德盛

李徹

康熙癸巳

萬壽恩科

楊方炳

戴瑄

老成長厚  
鄉邦推重

康熙甲午科

晉緯

有文名為  
當事引重

張士重

呈貢縣志

卷之二

選舉

三

康熙丁酉科

李元舒

李會心

雍正癸卯

恩科

實容

雍正甲辰補行癸卯正科

孔宗堯

時年七十歲人  
稱之為梁太素

李鴻業

平日孝友士民公舉  
賢良方正力辭止



副榜

李光賁

補行辛酉科任雲南縣教諭有匡州吟西平雜咏一枝軒詩集

李敏

已卯科任河陽縣教諭有燕石草詩集

楊方炳

乙酉科

李現章

甲午科

拔貢

竇容

戴天柱

寄武定學

趙斌

寄武定學

呈貢縣志

卷之二

選舉

五

武舉

康熙丙午科

楊鼎

康熙已卯科

金洲

康熙乙酉科

高岱

解元任貴州遊擊

郭景陽

段彤宣

康熙庚午科

李鵬舉

康熙甲午科

馬元良

曹世侯

雍正癸卯科

徐寬 寄晉寧州學

曹堂

郎嵩 寄府學

貢生

皇貢縣志

卷之二

選舉

三

明

永樂

楊忠 四川榮昌縣丞

正統

楊萱 直隸趙州吏目

景泰

李文清 任知縣

天順

路平 任潼川州判

成化

周傑 江西臨川縣主簿

李義 任叙州府檢校

馬驥 四川富順縣主簿

楊清 山西經歷

楊泰 四川崇寧縣主簿

殷才 鄉賢

弘治

李郁 陝西蒲城縣主簿

呈貢縣志

卷之二 選舉

三

魯浩 四川巴縣主簿

張蕙 浙江錢塘縣主簿

李秀

昌朝

文浩 四川重慶學正

李文中 四川江油縣訓導

朱正南 四川永川縣訓導

吳濬

祁祥 廣西州判

正德

李致和 湖廣經歷

祁佑 四川永川訓導

馬譽 四川縣丞

姜宗

戴勉 四川廣南州判

李宏 貴州永寧州知縣

李太和 任知縣

胡文煥 四川南充訓導

呈貢縣志

卷之二 選舉

三

徐德明 貴州照磨

嘉靖

郝時 恩貢訓導

馬御 黃州訓導

江弼 四川順慶教授

段復潮 湖廣平江教諭

吳宗 思南府教授

余塘 鳳翔府教授

吳文郁 江西南德縣

張治道 太和訓導

方日良

張鳳翔 邳州訓導

郝完 岳州府訓導

昌宗儒

朱綏

魯儒道 楚雄府訓導

李士元

祁希賢 河南鄭州訓導

呈貢縣志 卷之二

選舉

三九

周文奎 北勝學正

董策 南城知縣

馬應龍 四川符王教授

李好義 四川大邑教諭

隆慶

陳誠 江南廬州府訓導

葉仲 蘄州府訓導

萬曆

李翔

吳江曉

陳景

趙文煥

富順縣主簿

文純

祁炳

凌一龍

李錫恩

墊江訓導

繆文麟

臨安教授

繆許翔

恩貢南陽訓導

呈貢縣志

卷之二

三

李天培

淮川教諭

李坤

鎮南訓導

段懷節

譚拱辰

牛拱極

營義訓導

李永祐

楊元

鶴慶教授

劉向陽

貴州鎮遠訓導

劉世盛

彭水教諭

李大維

文 繡 石阡府教授

李永祚 恩拔

李 萃 通江知縣

王 欽 四川高縣教諭

李時秀 吳縣訓導

諸士龍 寶寧府訓導

段 彩

華朝陽 蘆山教授

呈貢縣志

卷之二

選舉

三

陳宗虞

阮居謙 江西德化訓導

文紹堯 江西吉安教授

董 珂 直隸滿城教授

唐堯弼

秦昌

文祖堯 選貢江南太倉學正

天啟

尹喜德 石阡府經歷

文國瑞 直隸武強訓導

李起鳳 劍州學正

李彬 恩貢

李伯春 羅平州訓導

張恆 廣西府教授

李鳴鳳 四川通判

崇禎

陳寵

全盛朝 訓導

呈貢縣志 卷之二 選舉

尹湯師

楊時復

戴註禮

楊時升

段鴻宰

莫奇英

尹克敬

趙遠宏

張浩



趙端

李賓 拔貢仕  
至巡撫

蔣遂良

張仁

馬正水

張夔龍

趙繼義

張振英

楊仲禮

呈貢縣志

卷之二

選舉

三

耿晟

本朝

順治

李心德 羅平州  
訓導

康熙

張聯貴 開化府  
訓導

郝鍾偉 廣通  
訓導

羅綺

金聖麟 澂江府  
訓導

陳朝柱

張雲

段遴才

李自馨

秉性梗直  
不趨時好

莫儀

選雲州  
訓導

文化興

楊希孟

文博

閱雅有  
故家風

李士紳

呈貢縣志

卷之二

選舉

張元龍

恩貢

劉嘉祿

孔宗堯

竇瑛

晉緯

李生心

王鳴鶴

戴德

寄馬龍  
州學

戴琦

寄府  
學

戴天申

蔡珩 寄安寧州學

戴國寵 恩貢

文理 有詩名

雍正

李美盛

李振宗 詩元謀縣學

例貢

戴天敏

呈貢縣志

卷之二

選舉

三五

戴天相

陳縉

監生

昌孔昭

楊國泰

楊照

李灃

李宗孔

封典

莫貴德以子可及天啟甲子科舉人任廣西桂林府推官崇禎九年誥封文林郎母麻氏爲孺人

莫可及誥封文林郎妻李氏誥封孺人

張凌蒼以子張旭官翰林院庶吉士加一級誥封文林郎生母繆氏繼母李氏誥封爲孺人  
張旭翰林院庶吉士加一級誥封文林郎妻成氏誥封孺人

祠祀

朝廷設官分職俾宰一方治人事神其大要矣壇  
墀之神為祀典所載者固不可不致敬盡禮至  
於里社之所供奉其神名或同或異可考不可  
考者相沿日久亦難遽為改正若夫寺觀日盛  
則聖道日湮愚者惑之君子懼焉存其名已耳

志祠祀

城隍廟

在縣治東知縣劉世燠重脩康熙五  
十五年典史蔡襄重脩塗以丹堊

關帝廟

在縣治東知縣  
祝鍾儁重脩

呈貢縣志

卷之二

祠祀

三

五穀祠

在縣治西門內  
祀八蜡神

土主廟

在古城

社稷壇

在縣治北

風雲雷雨山川壇

在縣南一  
里龍街子

厲祭壇

在縣東  
門外

天子廟

縣北五里相傳勅封為景帝  
九月十五日土人割牲祀之

藥王廟

在縣治東知  
縣祝鍾儁建

白龍廟

在白龍潭知縣劉世  
燠重脩三月祀之

黑龍廟

在新冊村知縣夏  
質重脩三月祀之

萬壽寺

在城南門外供奉

萬歲聖位官師拜祝有古柏二株已百餘年

鳳翥宮

在縣治內

玉皇閣

在三台山頂俯瞰昆海一碧萬頃觀察許公有天海青蒼額

龍翔寺

在縣治南一里許下即龍場地

黃梅庵

在梅子村中設王文忠公諱禕吳忠節公諱雲位先年原有祀田村人因田立祠以祀之蜀僧學期請於制府范公手書雙忠祠額

觀察許公有聯大節尚雷遺像在忠魂常傍孝

陵遊今田收入省祠空雷神位而已

碧瀾寺

在古城

呈貢縣志

卷之二

古蹟

三

海潮寺

在江尾村

水月庵

在斗南村

來青寺

在可樂村

對華寺

在大魚村

石龍寺

在海晏村

松隱寺

在杜曲村

白雲寺

在梁王山倚巉崖危巒接天

海寶寺

在安江村楊太史寓此有詩

垂恩寺

在烏龍浦

古蹟

一丘一壑苟有可傳皆有可紀而况名物之蹟  
昭昭可指者乎呈貢彈丸邑耳問卧龍棲鳳之  
踪擲笏草元之跡未之有聞若夫蚪篆雲回山  
靈水異轟轟不磨者懷古之士蓋亦志不忘焉  
由此推之則南國之甘棠峴山之石碣宜乎千古  
為昭矣志古蹟

仙人洞 在白龍潭山腰恠石參差洞高數尺中可  
列坐門有平石一片俗傳仙人著棋處

鄒元標碑 有大字碑在  
歸化城內

呈貢縣志

卷之二

古蹟

蓮花池 在縣東十五里月角山上有石城週圍尋  
曲徑而入洞高數丈層巒疊翠石柱石門

天造不假人  
工真奇勝也

梁王山 飲馬池有蠻寨相  
傳為梁王治兵處

小古城 在縣北週圍里許高數  
丈乃梁王屯兵之所

沐將軍墓 在王家營距城五里洪武沐英裔諱詳  
後襲國公上有祠堂翁仲石馬石亭樹

木陰翳人多遊玩今  
廢僅存墳墓石碑

義牛塚 在三岔口昔人牧牛於山下倦卧樹旁有  
虎來欲食之牛即奮力與鬪以衛其主虎

去牛亦喘死主人  
隣之營其塚焉

萬人塚 在城北

張家墳 在張溪營中為張何明墓即所焚屋地東  
為褚氏郊氏大妹二妹三妹墓即并知縣  
朱若功為  
立墓碑

坊表

聖諭坊 在縣內  
今廢

譽髦斯士坊 在縣城  
內今廢

禮陶樂淑坊 在縣城  
內今廢

進士坊 在縣城  
內今廢

山連金碧坊 在北門  
外今廢

水接昆池坊 在縣南門外久廢  
典史孔宸重建

呈貢縣志

卷之二

古蹟

罕

中都韓范坊 為李賓立賓崇禎時拔貢初任知  
縣歷任河南巡撫按院題額今廢

總府懿親坊 沐國公為賀  
氏建今廢

兄弟元戎坊 為徐成龍徐成鳳立龍兄弟二人身  
材雄偉由吏員出身從兵部傳宗龍

屢建奇功授總兵職  
按院為匾旌之今廢

雍熙世界坊 在太  
平關

里仁為美坊 在大魚  
村今廢

慶餘五世坊 為九十八翁  
馬中龍建

街四

縣前街

中街

後街

新街



場二

龍場在縣南一里每遇辰日爲市故名龍場  
狗場在縣北五里每遇戌日爲市今廢合龍場  
爲市

學校

黌宮崇祀

聖人教化所自起也故廟貌宜恢弘享祀宜豐潔  
合一邑之精神志意以尊奉

聖人自然道學以明人才以出則學校爲一邑首  
重可知矣呈貢學宮屢經遷移規模未備次第  
脩舉漸有可觀宗廟百官之富金聲玉振之盛  
司此土者不可不加之意也志學校

舊學在伽宗城洪武十六年建正統十四年知

呈貢縣志

卷之二

學校

聖

縣何溫重修弘治五年僉事趙公燭又遷於北  
山之右萬曆乙卯奉文改遷城內丁丑兵燹僅  
存大殿五楹

大殿上懸

萬世師表金額

孔聖顏曾思孟讚知縣沈瑄有垂萬年之巨典志  
在春秋更兼禮樂詩書周易集千聖之大成賢  
於堯舜何況禹湯文武姬公之聯

本朝康熙癸卯知縣趙申禧始詳請於

院道司准遷舊縣遺址康熙二十三年知縣沈瓚始建兩廡規模雖具猶屬草創康熙二十七年訓導楊涓脩理大成門扇砌理臺階甬道康熙二十八年雲南通判徐斌來攝縣事復脩大殿及兩廡窻櫺壁扇康熙二十九年知縣魯國華塗以丹堊備以神龕啟聖明倫騰蛟起鳳二坊知縣劉世燠建大奎閣講堂三楹齋房兩廡建水州知州劉承啟顏其門曰龍翔書院

崇聖祠在

星貢縣志

卷之二

學校

聖

先師殿後係舊縣署東西兩廡外爲大成門外爲文  
明坊右爲明倫堂

雍正二年六月知縣朱若功脩理學宮命齋長  
戴天錫製兩廡大供棹二張庭燎一對燭臺一  
對

聖殿供棹四張酒罇二爵盞十二龍傘一柄爐瓶全  
樂舞生衣自備先期演習務須嫻熟

雍正二年 月奉

旨加

聖祖木金父公爲肇聖王

祈父公爲裕聖王

防叔公爲詒聖王

伯夏公爲昌聖王

叔梁公爲啟聖王更改聖祠爲崇聖祠進主之日先期奉神主於縣堂南向行六叩禮鼓樂步行送至學宮教官抱

聖人神主於門外跪迎至崇聖祠安主致祭成禮仍奉聖人神主於大成殿

皇貢縣志

卷之二

學校

四

雍正三年四月奉

旨建忠臣孝子祠於學宮內碑一座題名建節婦孝婦祠於學宮外坊一座題名竝建鄉賢名宦祠時董其事者教諭郝藩訓導董兆龍典史朱總烜及齋長戴天錫楊忻李彥英趙熾有碑記  
雍正三年奉

旨復祀者六人林放邁瑗秦冉顏何鄭康成范甯增祀者二十人縣直牧皮樂正子公都子萬章公孫止諸葛亮尹焯魏了翁黃幹陳淳何基王柏

趙復金履祥許謙陳澔羅欽順蔡清陸龍其入  
崇聖祠者一人張廸增置博士者四人冉雍冉  
伯牛子張有若

學宮經籍

聖諭十六條解一本

聖諭戒飭士子文一道

卧碑一道

御纂淵鑒古文一部

朱子性理一部

朱子全書一部

四書五經共二十二本

聖諭廣訓萬言論四部

呈貢縣志

卷之二 學校

五

名宦鄉賢

黌宮崇祠聖人以為萬世師表兩廡而外附以名宦鄉賢祠以報有功尊有德示天下賢達無論大小尊卑遠近顯晦凡不自外於聖人者皆得食於聖人之後其所以崇報者至矣寧實毋假寧慎毋濫呈貢舊無二祠今與忠孝節烈祠全建於大成門外以祀從前之名公卿及鄉先生之賢者有志之士將感發激勵從諸公後以求附於聖人之徒吾知其未有艾也志名宦

呈貢縣志

卷之二

名宦

吳

賢

名宦

附本府

周

莊

躋

楚將威王時將兵畧滇欲歸報會秦擊楚巴蜀道塞因還滇為王

漢

諸葛亮

建興元年益州耆帥雍闓殺太守求附於吳又使孟獲誘煽諸彝亮率兵討平

梁

王

紀

武帝時為益州都督建寧越為叛紀振旅通道撫定彝

隋

唐 梁睿 開皇時為益州總管 王謙作亂睿討平之

韋仁壽 京兆人高祖時詔檢校南寧州都督 拓地數千里威令嚴明遠人皆服

趙孝祖 元徽中以左領軍將軍為郎州道行軍 總管討南寧白水諸蠻并定西海蘭境

遂寧

韋臯 京兆人貞元初為劍南節度使兼雲 南安撫使恩結異牟尋屢破吐蕃

李德裕 太和為劍南節度使作籌邊樓凡山 川險要悉圖於上訪習邊事皆若身歷

邊境以安

元

早貢縣志

卷之二

名宦

七

瞻思丁 至元十一年拜雲南行省平章安撫使 作陂池以備水旱建孔子廟講經史置

學田文 教漸興

納速刺丁 瞻思丁長子官雲南路宣慰使 進平章政事奏除一切弊政

忽辛 瞻思丁子大德間改雲南行 省左丞剔弊除奸遠邇悅服

張立道 陳畱人至元以王府文學從皇子雲南 王忽哥赤之鎮討賊寶合丁後領大司

農事洩海口水建 孔子廟風化大行

愛魯 昔里鈐部子至元中拜雲南諸路宣 慰使副都元帥清里田賦卒贈太師

趙世延 雍古族子至元中屢官雲南四川 諸路廉訪使疏請罷兵南人戴德

程思廉 至元中為雲南御史中 丞綏靖邊彝振興學校



劉正

清州人大德中為雲南行省中書左丞疏革餽賂息事安民

支渭興

郟陽人至順庚午進士為雲南行省考試官道梗畱滇屢遷宣慰使副都元帥

有惠政

王旦八

西夏人至正間為雲南行省右丞有善政深得軍民之心

忙古帶

契丹人世祖詔襲父職隨征雲南成宗時討平緬甸交趾烏撒積功進驃騎上將軍雲南行省中書

將軍雲南行省中書左丞宣慰使都元帥

也罕的斤

匣刺魯人至元中拜雲南行省參知政事威振邊彝

朶兒赤西

夏寧州人世祖時為雲南廉訪使奏劾行省奸相貼木貼兒邊民皆頌德

也先不花

蒙古怯烈氏世祖二十三年拜雲南行省平章政事討平蠻夷釐定貢賦

呈貢縣志

卷之二

吳

邊境德之

怯

烈

西域人世居太原以功屢遷雲南諸路行省中書左丞

楊

祚

文宗時為雲南廉訪使所至以興學化人為先務

張

瑾

河南人至正間為雲南廉訪使鋤強緝奸肅清邊境

明

沐英

幼隨太祖征伐封黔寧王世鎮雲南興利除弊籌畫無遺滇人皆食德焉

沐晟

英子襲爵黔國公屢著戰功邊彝畏服封定遠王

沐昂

晟弟襲爵黔國公討平交趾才猷懋著

梅思祖

祖洪武中為雲南布政使撫輯軍民善政極多

陳迪 江南宣城人 洪武中 歷官雲南布政使 討平烏撒 功陞禮部尚書

張統 陝西富平人 儒士 洪武中 為雲南左布政使 凡雲南一切貢賦 壇祠公署 典禮

皆所規定 治行 為天下第一

王俊 江南合肥人 洪武中 任雲南都司 指揮使 永樂中以擒斬儂正 佑功陞都指揮

也 使

陳遜 福建浦城人 永樂中 歷官雲南右布政使 博學清操 一時無兩 卒於官 貧無以

殮 都督沐昂 經理其喪而歸之

鄭進善 江南婺源人 永樂中 巡按雲南 風裁峻整 人畏服焉

周新 廣東南海人 監生 永樂中 任雲南按察使 執法公明 邊弊肅清 人目之為冷面

呈貢縣志 卷之二 名宦 晃

寒冰以為杭 州城墮云

周樂 江西吉水人 監生 永樂中 為雲南按察副使 清操特著 卒於官 寮友為之殯 殮

楊寧 浙江錢塘人 進士 正統時 以平麓川功陞雲南巡撫 軍民賴之以安

張麟 江南鳳陽人 剛介 有才行 雲南左衛都指揮 區處屯田 詔犇其廉 公老成

譙明 四川眉州人 正統閒 巡按雲南 剛明廉介 雪冤撫彝

馮郁 浙江安吉人 正統閒 歷官雲南布政司 叅議 才畧不凡

賴弭 江西廣昌人 進士 正統閒 為雲南按察使 執法不撓

鄭顒 浙江錢塘人 進士 正統閒 歷官雲南巡撫 政教文章 俱推第一

何楚英 湖廣攸縣人 景泰閒 為雲南右布政使 賜璽書 褒美政績

王 恕 陝西三原人進士成化間為雲南巡撫清直嚴明威德址著

朱 暄 江南高郵人貢士成化間按滇興學校築壩堰軍民尸祝焉

溫 琮 四川華陽人進士成化間按滇風裁峻屬中官錢能素貪橫斂手避之

樊 瑩 浙江常山人進士成化間按滇繩貪弊廉弘治間以刑部侍郎考察雲貴罷黜

千餘人  
晉尚書

姚 旭 江南桐城人進士以刑科外遷雲南參政清剛慈惠與大璫忤拂衣歸里

劉 鈺 江西安福人進士成化間為雲南按察使法治中官安南貼服

何 琛 四川成都人進士弘治間按滇豪權屏息効治冒功邊將眾快之

張 誥 江南華亭人進士弘治間巡撫雲南興水利建倉廩馭兵安民奸弊盡絕之

呈貢縣志 卷之二 名宦 辛

金 鑾 湖廣江陵人弘治間任安普道法治土官剿平等寨

林 俊 福建莆田人進士弘治間任雲南按察使毀淫祠三百六十餘所脩葺各郡學

宮焚活佛以償民逋築趙州城法治衛官陞刑部尚書

謝朝宣 陝西西安人進士弘治間按滇慷慨明敏建蒼山書院

周 熊 陝西長安人進士弘治間按滇執法不阿貪墨望風解組

張 璞 湖廣江夏人進士正德間按滇阿法繩權璫梁裕被誣下獄卒贈太僕

寺 卿

范 鏞 陝西臨洮人進士正德間巡撫雲南不附權貴被誣下獄嘉靖改元詔復其官

唐 龍 浙江蘭谿人進士正德間按滇剛直廉介闍鎮土官皆畏之

陳察 江南常熟人 進士 正德開

王倬 江南太倉人 進士 正德開

何孟春 湖廣郴州人 進士 正德開 雲南巡撫博雅冰操有麟飛石裂之異政

席書 四川遂寧人 進士 立朝剛直敢言正德

也冠

王啟 浙江黃巖人 進士 嘉靖開 任雲南右副都御史 建書院脩城郭凡所壁畫不為

浮議所搖

顧應祥 浙江長興人 進士 嘉靖開 兩任撫滇博學大軒豁滇人祀之

鮑象賢 江南歙縣人 進士 嘉靖開 由雲南副使歷陞巡撫練達邊事

呈貢縣志

卷之二

各宦

至

蔣宗魯 貴州普安人 進士 嘉靖開 巡撫雲南精明嚴毅盜息民安

呂光洵 浙江新昌人 進士 嘉靖開 以兵部尚書巡撫雲南芟除各郡叛黨邊境以寧

徐瓚 浙江永康人 進士 嘉靖開 任雲南左布政討平安銓之變皆其功也

毛鳳韶 湖廣麻城人 進士 嘉靖開 按滇糾劾閹鎮分巡金滄尤多惠政

陳學夔 廣西宜山人 進士 嘉靖開 按滇拯水患劾貪墨

王諍 浙江永嘉人 進士 嘉靖開 按滇旌廉懲墨威德著聞

孫繼芳 江西進賢人 進士 嘉靖開 學雲南剛介有識甄別不爽

張佳印 四川銅梁人 進士 有文武才 嘉靖開 任雲南提學戎務皆取決焉

陳善 浙江錢塘人 進士 嘉靖開 由督學歷陞左右布政鑿水建舍著有滇南類編

吳 檄 江南桐城人進士嘉靖間任雲南副使士民胥悅服之

徐 棫 江南常熟人進士隆慶初任雲南按察使積弊盡革

徐中行 浙江歸安人進士隆慶間任雲南叅議文學與王李輩齊名政治精敏士以邀

其弊藉為榮

陳大賓 湖廣荊州人進士隆慶間任雲南巡撫才望素著權貴肅然單騎剿捕狂寇威

名遠播

陳 洙 福建長樂人進士隆慶間初任雲南提學副使公明清慎賑濟寒士

方良曙 江南歙縣人進士萬曆間任雲南左布政使濬滇池贍軍需振興理學惟教士

以踐履篤實

呈貢縣志

卷之二

各宦

五

方 沆 福建莆田人進士工文章多著作萬曆間任雲南督學品隲公明

郭 良 福建惠安人進士萬曆間初任雲南僉事分巡安普署學政興利除弊取士公

明也

王 凝 湖廣宜城人進士萬曆間巡撫雲南鎮靜安邊經畫緬警著有西寺貽稿

吳 定 河南安陽人進士萬曆間巡撫雲南方入滇三宣以蠻莫告急乃便宜用鄧子

龍率兵西馳并平緬警又剿捕丁改晉秩加賚

陳用賓 福建晉江人進士萬曆初任巡撫雲南有雄畧用兵如神設關築堡討平緬寇

績難悉舉晉右都御史廕一子謚襄毅公

周嘉謨 湖廣景陵人進士萬曆間撫滇七日而克諸蠻淡泊鎮靜滇人德之

董 裕 江西樂安人進士萬曆間按滇鎮靜安民

馮應鳳 浙江山陰人進士萬曆間按滇下車直歲凶寇警寬征設備邊警寧謐

周懋相 江西安福人進士萬曆間按滇討平楊禮之亂實心實政遠邇感慕

蕭 彥 江南涇縣人進士萬曆間撫滇條奏西南勝算計剿叛軍

郭 棐 廣東番禺人進士萬曆間雲南右布政使清餉省費

李 渭 貴州思南人貢士游蔣道林之門其學以聖人為依歸萬曆中任雲南叅政與

并江羅汝芳同官羅兼琰性命而渭一意實踐

李 材 江西豐城人進士萬曆間任雲南按察使管金騰兵備道敏達知兵暇則講學

李文績 四川宜賓人進士萬曆間陞雲南按察使耿介質直察采肅然

呈貢縣志

卷之二

名宦

三

羅汝芳 江西南城人進士萬曆間任雲南右叅政才識敏練尤喜講學開永昌河署金

騰道緬寇大舉芳計困之刻期盡殲巡撫王疑檄止之緬遁去而緬患遂不可為矣哉

劉伯燮 湖廣孝感人進士萬曆間任雲南提學副使繼陳公寬大之後易以威嚴士成

就者甚眾

馬鳴鑾 四川內江人進士萬曆間任雲南兵備道建書院置學田

鄧原岳 福建閩縣人進士萬曆中任雲南提學僉事所拔皆名流著有文選梓行

方萬山 江南歙縣人進士萬曆中任雲南按察使慎獄祥刑加意學校

張堯臣 福建內江人進士萬曆間歷陞按察使調停稅瑠署學道公明試士

王應期 湖廣襄陽人萬曆間由副使陞監司馭吏嚴明肅清憲紀

沈傲炳

浙江歸安人進士萬曆末巡撫雲南請減貢金官民感頌

吳應琦

江南桐城人進士萬曆末按滇樸誠簡易脩理學宮

閔洪學

安境獲

浙江烏程人進士天啟間巡撫雲南用布政謝存仁叅將袁善剿平安効良滇

朱燮元

撫王三善陷歿元剿捕之又定水西之難

浙江山陰人進士天啟間總督雲貴楚蜀粵五省軍務時貴州安邦彥作亂巡

袁善

隆將襲省城善相機撲滅滇賴以安

習天文精韜畧任撫標中軍轉松潘叅將累著戰功天啟初水西安酋叛至易

姜思睿

浙江慈谿人進士崇禎癸酉按滇慎獄撫叛加惠士民

早貢縣志

卷之二

名宦

五

王世德

浙江永康人進士崇禎間撫滇清慎自矢除弊懲奸以勞勩卒于任所

潘潤民

貴州貴陽人進士天啟末任雲南布政有德於民

楊文岳

四川西充人進士崇禎任雲南布政才幹甚著

本朝

趙廷臣

遼東人貢士順治十八年總督雲貴和易勤敏兵民胥得所焉

李光座

河南祥符人己丑進士順治十七年督學雲南振起西南文教

李天浴

順天人貢士康熙七年巡撫雲南廉明秉禮除暴甦民

甘文焜

遼東人貢士康熙八年總督雲貴體國愛民值吳三桂叛文焜趨鎮遠將圖恢滅適守將姜義從賊文焜再拜自縊

陳必成 順天宛平人由進士康熙九年任雲南督學理學淵澄力挽頽風有一代儒宗

之目

李興元 遼東人康熙十一年任雲南按察使抑兵愛民吳三桂叛不屈遇害

蔡毓榮 遼陽人康熙二十一年任雲南總督平吳逆亂恤軍愛民教育士子賑濟窮民

建昆明書院育嬰堂至今猶守其成法不改

范承勳 奉天瀋陽人遷學宮備祭器正已率屬力制士司人咸思之

許弘勳 遼陽人康熙二十六年任雲南按察使嚴明練達招撫魯魁計擒叛卒遷學築

梁置監田釋難民翰墨尤為第一

謝于道 浙江人癸丑進士康熙二十五年由翰林編脩任雲南學政公明廉慎起衰振

呈貢縣志 卷之二 名宦 五

靡選拔孤寒一時文風丕變士子德之

石文晟 滿洲人康熙三十年任雲南巡撫先時軍糧煩重文晟題請照河陽起科因始

以蘇至今德之

劉蔭樞 陝西韓城人進士康熙四十一年任雲南布政剛方鯁直有古大臣之風大脩

貢院發粟濟饑軍民戴德

本府名宦

東漢

文齊 廣漢人為益州太守造陂池通灌溉墾田二千餘頃

張翥 巴郡人永平間益州太守治化清平



張 湍 翁之子明帝以翁有遺愛命湍仍父職

王 阜 蜀郡人章帝元和和中為益州太守政化尤異有神馬出甘露降白鳥翔之異始

興學表

張 喬 益州刺史元和六年上遣劉向討封離不克詔以兵屬喬乃遣從事楊竦擊破

楊 竦 益州從事以張喬命討封離偵知賊盛乃募死士懸重賞大戰破之

李 顯 巴郡人靈帝熹平五年諸蠻叛拜顯為益州太守發兵破之

龐 芝 益州刺史與顯同討叛彝

景 毅 廣漢人李顯卒後諸蠻復叛以毅為太守討平之初到郡斛米萬錢毅廣布仁

呈貢縣志

卷之二

美

恩未期月而減至數十文

蜀漢

李 恢 兪元人建興中改益州郡為寧州郡以恢為太守蠻彝悅服

明

鮑 堯天 江西南昌人宣德間任知府政簡刑清遠近浣服

郭 鎮 順天宛平人正統間任知府勤于職守脩葺倉廩卒之日滇民祀之於廣備倉

之傍

張 珪 浙江歸安人進士天順間任知府剛明嚴肅有才名

陳 揆 四川銅陽人成化間任知府剛直明斷滇民德之

董復 浙江會稽人弘治間以御史任知府多惠政

趙渾 福建漳州人弘治間任知府政尚寬平

張鳳 江西宜春人弘治間任知府廉明果斷

葉元 江西廣信人舉人正德間任知府清廉剛直不畏權貴闢異端革汚俗

劉光 浙江定海人進士勤於政務振作文風

吳便 浙江山陰人進士正德間任知府折獄如神

余承業 四川青神人進士嘉靖十年任同知廉明威惠

黃原道 四川巴縣人進士隆慶三年任知府剛正明斷百廢脩舉

李蓋 四川成都人進士萬曆元年任推官禮士愛民

呈貢縣志

卷之二

名宦

五

張祥鸞 江南金壇人進士萬曆間任知府文章政事俱推卓異

陳道東 江南歙縣人萬曆間任知府與賢弭盜以抗直去官

孫衣 貴州清平人舉人萬曆間任同知職見卓越

洪邦光 福建同安人萬曆間任同知陞知府清操始終如一

本朝

魯昌期 山東濟南人進士康熙元年任府推官聽斷明敏合郡俱無冤獄

本縣名宦

趙幹 山西平陽人監生歸化知縣洪武十六年任敦大不苛廉能懋著漢彝安之

陳表 貴州赤水衛人弘治間任知縣為人淳厚寬以治民數年陟行化洽民咸愛之

張

澤湖廣黃岡人嘉靖間任歸化知縣有惠

幾以憂去其在歸化書一聯於堂云前晉後  
呈二十里封疆鞏固山右海左五百家動靜  
瞻依人至今誦之自蒙歸遂不復

夏可漁

四川涪州人其祖父俱顯宦有清德令  
州知州百姓歌之曰公來蒞止清慎而勤公  
今陟矣民奚以寧與知縣劉縉祀報德祠

劉大縉

清於刑勤於政教士愛民民  
胥德之祀安江村報德祠

田一井

四川忠州人任知縣能興水利  
得民心以憂去有生祠祀之

王信

四川龍安人崇禎間任知縣在任慷慨  
任事興廢舉墜課士勸農政聲頗著時

阿迷州土酋作亂奉命監紀兵  
憲周公敗績公死之卹贈有廕

呈貢縣志

卷之二

名宦

五

李曰章

山東清平人康熙七年任知縣幅無  
華慈祥樂易惟以孝弟化民不事鞭撻

正以率屬清以視躬雖薪水之費不勞民間  
後告終養還鄉士民遮道祖餞轍壅不前自  
古循良不  
是過也

王士星

四川巴縣人辛酉以諸生從大師平滇  
有功將軍蔡毓榮委任縣事有胆畧實

心愛民當戎馬倥偬之際招集流亡驅逐牧  
馬健兒以衛豆麥民賴以生至給牛種以勸  
畊農者餽粥以課文士又非尋常  
俗吏之所能及士民刻石頌之

劉世燠

河南新蔡人已未進士任呈貢縣事賦  
性耿介潔已愛民慨然以興利除害為

已責嘗自言曰寧黜吾官不浚吾民以奉上  
民有訟者隨事立決絕苞苴慎刑獄斃石以  
濟行路建舍以育人才政暇卽與諸生論文  
談古慶慶不倦任滿擢戶部江南主事方治

裝就道而積勞成病竟卒於署臨終猶諄諄以民事為念無一言及家務民相傳為城隍

### 附名師

楊涓

字巨源賓川人以明經振鐸皇貢月課時勤訓士有方脩文廟以崇祀典捐清俸以建學署老年好古尤甚聞人有奇書必借抄錄歷十七年任滿報陞經歷辭不赴任歸田自適以壽終

彭可比

字而述江川人甲子科副榜授呈貢教諭學有淵源呈邑之士沐教澤親德化者無不傾心悅服爭自濯磨振鐸數歲文教日興已丑年二月二十七日撫院中軍周暨本府李聽奸人言俱來呈貢挖奪河水合邑士民不服羣起鼓噪疑公嘆之中傷去官紳士郊餞哭送盈路設位祀之

### 呈貢縣志

### 卷之二

名宦

五

### 鄉賢

李春

景泰庚午鄉試任浙江嵎縣知縣善於其職當道薦為御史未拜命卒

繆白

字元素弘治乙卯舉人初任督峩教諭歷任成都通判董師征蕃嚴禁妄殺攝司李讞獄多雪冤抑新都楊文忠公特重之時有宋姓者豪依縱橫白廉得之欲置之法直指不可鬱鬱不樂後陞任麻哈州守以親老乞歸事母備盡色養母歿哀毀骨立休田四十餘年以盛德稱及卒貧不能殮子孫稱貸以葬今督峩成都皆祀各宦本縣祀鄉賢

殷才

字育之成化十七年貢遊北雍雅有匡夫之勞減夫以甦沁田之困皆其條議也治歸里絕意仕進躬耕隴畝直指使趙公璧殷同舍生也按臨至呈屏騶從造訪其家殷揖於田間以雞黍相款欲優贍終不受

陳

淳

字唯素弘治辛酉舉人任江南太平府

生曰師當以陳為法總督伍文定建節時造其廬先是太平有疑獄淳雪之其他善政及人者多每用旃檀刻像祀焉居家以詩自娛不治產業言論篤實給諫傅良弼稱其未仕則富既仕而貧嚴於義利明於出處至今鄉人言耆舊者必推陳澹齋先生

郝鳳朝

字應瑞其先溧陽人公少俊異年十四

鄉薦初署太和縣教諭巡按漁石唐公薦其品局學識可當大用擢四川永川知縣有惠政攝巴縣事巴人德之丁艱歸永川人有泣送數百里者服闋遂絕意仕進有宅一區僅蔽風雨日惟訓蒙以自給右轄陳公善往拜之聞童子六七人吟唔滿堂中陳曰子孫振振哉何其多也公笑曰此里中兒老夫為授句讀耳陳益雅重公及卒皆陳公與郡守董

呈貢縣志

卷之二

各宦

李

公經紀其喪子三人二領鄉薦

陳常道

字子中食廩本府領正德己卯鄉薦任涪州學正舉嘉靖丙戌進士授富順尹

捐鹽課救荒民尋陞主政疏請終養服闋補陞常德府屢辨疑獄運麻陽兵餉有功陞建昌兵憲乞歸建義橋置義田杜門靜習手錄薛西園集叅解多所獨得涪州常德俱崇祀名宦

石

銀

字子重領嘉靖庚子鄉薦歷任四川合

自矢凡不便於民者悉為釐正以慙直忤時左遷韓府長史隴民思之詣闕上書請留公答以詩云隴郡徒餐底四年歸來仍種舊時田當年不覺兒童喜此日還為父老憐借寇枉勞書北上思何忽見信南傳慚余不德無由答目斷沂陽路八千家居日飲酒賦詩不

預外事不入公府周貧惠族有古人風祀隴州名宦

李復宗字肖初領萬曆乙酉鄉試第三名歷任

象州知州初捷為縣知縣監理建昌通判廣西鹽課年久井鹽崩塌歲課多逋甚為捷累公在捷力為詳請蠲豁捷民至今思之其他亦多惠政

張薰字伯舜歸化人萬曆丙子鄉薦掌教中

謂其人與文不概見後優選六館國師改歷大理司務西曹即獄無大小靡不稱平奉命讞囚三川多所平反每與直指使相左遂罷歸後崇祀鄉賢

劉鼎新自為諸生即存心利物鳳克發難邑中擒十餘人邑民貼然歲歉常減價出糶中萬曆已酉舉人任四川雙流縣知縣丁奢寅之

呈貢縣志 卷之二 鄉賢 圭

變令縣民老弱婦女匿他所獨與丁壯居守賊至開門延入賊以為易競入其治新率僮僕手刃二賊出伏兵與之戰賊計無所施死於狹巷甚眾其後凡三攻之皆不能得志遂督鄉兵援省城賊望其旗咸避之成都圍解以功陞敘州府同知監兵攻蘭州斬渠魁魯仲賢招降萬餘人以積勞卒於嘉州祀鄉賢

文祖堯字心傳號介石以天啟辛酉選貢任江

事以聖賢為法挹其言論丰采如坐春風令人自化崇禎癸未司鐸婁東刊儒學日程頒示諸生每日令書功過朔望考其進退婁固吳中文藪其文行兼優者公之教也甲申之變公棄官隱蕭寺日以講學為事三吳士大夫得延致一飯為幸順治辛丑還鄉卒於道婁人聞訃哀痛搆思賢廬以祀之謚貞道先生有離憂集歲會講義諸書行世

人物

詩云維嶽降神生甫及申蓋人傑地靈無分大小特發洩有時耳滇在有宋不得與于中原文獻之傳故濂洛關閩之稱獨不及大渡河外耳呈貢科甲時有號稱文物士之產於斯者或文章華國或政事宜民雖致用不同而其為邦家之光則一也是不可以不錄况由此而進之為程朱為韓范匪異人任余日望之矣志人物

陳常道 見鄉賢

呈貢縣志

卷之二

人物

空

段尙雲

嘉靖甲子舉人字從龍別號嶼川年十一游泮水十六列鄉薦令蜀武隆縣慈祥愷悌深得民隱改驛署候館以省民費開騰池口河以拯昏墊邑人永賴及歸傾囊作善事卹貧施櫬脩橋建閣有白龍潭記載於志

石銀 見鄉賢

段正學

萬曆癸酉舉人由教諭歷任夔州府同知克盡厥職興利除害大得民心善政多端口碑載道咸呼曰段青天及致仕歸敦篤親族周卹鄉閭優游田園以終天年

劉鼎新 見鄉賢

李萃

字晟宇號松軒明貢元任蜀通江縣令疏積逋減船課惠民便商綽有賢聲致任終養邑人祠之歸田二十年無異寒素著有台山晚咏前後二集

張

旭

字明遠辛卯鄉試一名壬辰進士官翰

林院檢討平日刻意脩行博學能文及  
選授庶常愈加謹飭讀書而外不干外事  
著述甚多惜年不永未究其用人共惜之

呈貢縣志

卷之二

人物

奎



忠義節烈

禮義廉恥國之四維人無論尊卑有德斯貴時  
無論常變潔身為良我

皇上褒崇德義

詔天下郡縣建忠孝節烈祠樹碑建坊以垂不朽所  
以表揚前烈激勵後人者意甚厚也呈貢自元  
明以來居高位而丁國難者絕少然匹夫殉義  
為國死忠烈婦守身為夫盡節與夫割股廬墓  
天性篤摯雖曰一念之誠實屬人倫之望在當  
呈貢縣志

卷之二

忠烈

畜

日綱常念重原無意於大書特書而今日大節  
昭垂實有光於家乘國乘志忠孝節烈  
忠烈

元

仁通雲南省理問廉訪副使大曆二年三月  
雲南諸王與萬戶伯忽等叛通率官軍

抗之歿於軍

馮文舉

四川什邡人雲南儒學提舉明王珍攻  
城將陷文舉與妻馬氏同縊於學宮

把匝刺瓦爾密

一字李羅元宗室封梁王明太  
祖遣使招諭不從命傅友德等

南伐梁王同其母嘉禧妻忽的斤  
等百餘人趨昆明池投水死之

明

驢兒達德

雲南行省左丞初達里麻既敗明師其家屬從梁王走昆池島中王既死達德遂自殺妻子從死者幾二百人

王

禕

字子充浙江義烏人為翰林待制洪武五年正月命禕詔諭雲南梁王不從遂

遇害與吳雲同祀梅子村有雙忠祠

吳

雲

字友雲江南宜興人湖廣行省參政時北為大將軍徐達所獲上釋之命與雲同行至雲南沙塘口脇雲易制書詐為元使雲不

從為所殺

徐

樾

字子直江西貴谿人任雲南左布政使嘉靖間元江邦鑿叛尋詐降撫臣以大

呈貢縣志

卷之二

忠烈

奎

吏往撫樾行被殺

張

澤

字義甫江南桐城人任廣州牧以治行卓異擢雲南僉臬督兵討鳳繼祖敗績被執罵賊而死

朱

永吉

字飛之廣東桂林人討賊普名聲因吾必奎通賊身被重傷猶力戰不已會諸軍潰遂自刎偏將趙能馮忠葬於路側趙能亦自刎

周

世昌

四川內江人崇禎初任雲南右布政使普賊叛巡撫王伉疏請會剿令世昌監軍會巡撫被勒糧餉不繼反監紀知縣王信皆被殺

沐

天波

字玉液年十二襲黔國公爵明亡入緬為所害沐氏與國始終可謂世臣矣

沐

天澤

天波弟任都司乙酉沙賊叛率兵巷戰被害

羅國巘 宜賓人任雲南巡按沙賊陷省城不為

省縱火 自焚

朱壽鏞

明宗室山東兗州人崇禎末以部院徵

殺之題詩於壁曰丈夫厲骨傲千秋青史丹  
心一併流金碧有靈隨我化江山多故倩誰  
收天雷霹靂伸英氣風雨奔飛徹夜愁蒼蒼  
自是扶宗社難道於今遜漢劉與僕三人同

遇害

楊畏知

寶雞人崇禎末任金滄道孫可望出掠  
迤西畏知迎戰祿豐獅子口兵賊被執

遇害

本朝

呈貢縣志

卷之二

忠義

庚

甘文焜

遼東人康熙七年任雲貴總督吳逆變  
亂先縊其妾盛氏殺其幼子國城自縊

死筆貼式何善雅圖  
各藥家從亦死之

李興元

遼東人康熙十年任雲南按察使定三  
桂叛杖之下獄復安置蒙化尋遇害

高顯宸

直隸灤城人康熙九年任雲南府以不  
附三桂迨叛遂杖於市戎永昌衛死之

本縣忠義

王信

見名

文祖堯

見鄉賢

張何明

張旗營人本姓何昆明之官渡人少出  
繼於張戊戌冬兵至楊林明治酒飲家

人約自盡見有策馬來者問曰村中有婦人  
否應之曰有明手持田器候其入欲擊之其

人懼倉皇馳去明遂自焚其妻褚氏與鄰婦  
郊氏女大妹二妹三妹俱投井死季子有成  
年十二推出門外遺有子孫今二墓猶  
存知縣朱若功為旌其墓免其差徭

### 孝子

胡士登

太平關庠生幼喪母事繼母以孝聞居父  
喪哀毀骨立廬墓三年枕苫寢塊餒弱

號泣三年如一日邑宰申聞皆給匾以旌撫  
院匾孝篤天倫按院匾月旦推賢本府匾孝

行可風本縣匾一孝可  
嘉儒學匾終身孺慕

李

遇

廬墓三年哀毀不輟  
立身恭謹事母盡孝

張表

邑庠生奉母篤志盡孝母亡廬墓  
三年奉伯父亦盡孝送終如禮

李

珍

幼喪父其母李氏撫之甚慈而教之甚  
嚴及長竭力事母年六十而孺慕如初

### 呈貢縣志

### 卷之二

忠孝

七

節孝之聲聞於遠近知縣趙申禧親詣其家  
旌之匾曰惟貞乃孝聯曰脩竹千年成子德

慈烏二世報親  
恩免其差徭

張玉林

字鶴年安江村人三歲喪父母李氏年  
三十六歲孀居貧苦撫之成立常曰吾

守志撫爾荼苦百端爾當不忘孝敬玉林奉  
命唯謹雖傭工度日而孝敬不衰出入必告

晨昏必省夏扇枕冬溫席與古人無異時常  
潛伺母聲音顏色無恙則喜否則寢食不寧

母八十六歲以天年終始終如一無論老幼  
俱稱爲張孝子云其媳張義妻亦孝知縣朱

若功親詣其廬旌之匾曰孝能  
裕後復延致筵燕免其差徭

李

發

江尾村人事父母盡孝早晚問安必叩  
頭出傭工則囑其妻飲食早供不得遲

候時常洗補衣服母致污穢有病則藥必親  
嘗祈禱願以身代發願吃齋歿後喪葬如禮

待弟亦甚友為之婚配二弟歿撫其幼子如  
已出知縣朱若功給之匾曰孝可風世復延  
致筵燕免其差徭

節烈

元

馮文舉妻馬氏

光州人隨夫任雲南儒學提舉  
值明玉珍攻城將陷與文舉焚

香北拜俱  
縊于學宮

梁王母嘉信

明兵破滇梁王同母赴  
海飲藥不死投水死之

梁王妻忽的斤

梁王赴海先  
縊其妃死之

驢兒達德妻

失其  
名姓

呈貢縣志

卷之二

節烈

段

功妻阿禧

梁王女王王忌段功欲鳩之禧知  
其謀以告功不信遂遇害以死

自矢作詩哀  
功不食死

明

沐啟元妻陳氏

封黔國夫人子天波襲父爵乙  
酉沙逆變起倉卒士民奉陳至

朝陽庵聞媳焦氏自焚笑曰  
若如此吾無憂矣亦自焚死

沐天波妻焦氏

江南人封黔國夫人沙逆之變  
滇民奉至城北金丹庵舉火自

焚  
死

沐天波女瑞貞

甫十齡許字劉文秀子痘殤天  
波謂女曰汝婿死矣我將往吊

及至文秀第家人馳報瑞  
貞自縊遂與秀子合葬

沐天波幼女同母焦氏死金井庵相傳焦命舉  
火時幼女在旁見烈焰起懼甚焦  
強抱同死  
不知其名

本朝

甘文焜妾盛氏吳三桂叛文焜殉  
難氏先自縊死

白應科妾馬氏應科任雲南按察使氏  
隨之官拒食投繯而死

本縣節婦

李志恭妻王氏新興王丞女也夫早卒氏守貞  
自誓撫其二子皆成立萬曆二

年奉文  
旌表

李大倫妻劉氏大倫邑庠生無子早卒氏守貞  
撫其姪延馨以經魁舉於鄉歷

呈貢縣志

卷之二

節婦

官知府萬曆四  
年誥贈旌表

繆汝恩妻章氏恩嘉靖舉人卒於京師章撫孤  
守節以壽終事聞當道旌獎

張淑顏妻蔣氏年十八歸淑顏四月顏  
亡奉侍公姑誓不改嫁

李孟祥妻文氏祥為諸生早世子遊庠亦逝  
文守志荼苦撫其孫瑞麟成立

氏年八十以壽終知  
縣沈增具文申報

張夔龍妻趙氏巳亥年避兵於城東石洞出至  
新冊村其媳章氏女聰姐八妹

九妹外孫女曲詒俱縊死趙氏觸柱  
而殞申報在案有曹石霞賦詩吊之

張法僖妻章氏隨姑縊死於  
新冊村中

李珩妻張氏珩邑庠生氏即聰姐與女  
曲詒同縊於新冊村中

李

珩女曲詔

年十歲與母同  
縊於新冊村中

文化熙妻八妹

與母姐同縊  
於新冊村中

張夔龍女九妹

與母姐同縊  
於新冊村中

楊朝翰妻張氏

已亥年避羅家營兵至自  
縊翰感其義終身不再娶

文化孚妻傅氏

化孚邑廩生氏歸化孚方一載已  
亥之變避兵洞中兵攻急拜姑

辭夫遂以悅巾  
自縊申報在案

張何明妻褚氏

戊戌冬明與家人聚飲赴火死  
褚氏與鄰婦郝氏文大妹二妹

三妹共投  
井死之

郝氏

失其夫之姓名時年六十餘  
懼辱亦與褚氏同赴井死

呈貢縣志

卷之二

節婦

何明次女二妹

年亦及笄與母及  
大妹同赴井死

何明季女三妹

與母姐皆  
赴井死

段聯芳妻池氏

聯芳邑庠生氏生子五人俱在  
襁褓夫故氏立誓守節教子成

名年五十  
三歲而終

楊朝梁妻陳氏

朝梁邑庠生氏生二子年未三  
十夫故柏舟自矢嘗戒其子曰

爾父早逝宜勤  
學以繼書香

王文欽妻金氏

文欽邑庠生早故氏年方二十  
八歲二子皆稚金誓不獨生哀

毀骨立捆履徹夜十指俱見血痕撫二子婚  
配又歿撫其孫廷彥會孫昱成立年踰六十

而終

郭師儀妻李氏少年寡居鎮日閉戶不問外事

二子在側然後出見其守節之嚴如此

李士鳳妻戴氏土鳳以武畧守備無子時氏年方二十三歲貞操苦節撫侄成人

楊於宸妻羊氏年二十二歲夫故家貧鄰媪勸其再醮氏曰吾上有六十孀姑下有歲半幼子豈忍棄之朝夕竭力奉姑及姑歿哀毀盡禮

化周邑廩生舌耕隣郡挈家相從客死鎮南州氏年甫二十三歲一子一女尚在襁褓扶襁歸里子復繼歿熒熒母女苦節自守惟以女紅自給四十年如一日

文化周妻凌氏從客死鎮南州氏年甫二十三歲一子一女尚在襁褓扶襁歸里子復繼歿熒熒母女苦節自守惟以女紅自給四十年如一日

鄉人憐之

呈貢縣志

卷之二

節婦

文質妻李氏質邑庠生氏年十七適文質二歲遺孤奉垂白舅姑仰事俯育不遺餘力康熙五十八年公舉旌獎

李得心妻楊氏

得心邑庠生二十早逝氏年十

養餐餐皆針黹自給足不出閨門撫子成人貞節之操凜若冰霜閭里賢之

茅敦妻李氏青年守志誓不再醮事舅姑以孝聞行年五十餘人稱節孝兼

至子毓仁亦遊庠

陳譚妻趙氏氏父無子贅譚為婿早逝氏年二十七子二柏舟自矢歷三十

年始終如一



孝婦

孔正儒妻李氏

正儒邑庠生氏事姑盡婦道姑性甚嚴稍有愠怒必跪勸俟意

回方起丁亥年流寇踞滇斷其姑手李氏奉祀惟謹避兵於雲臺山之石穴雖顛沛之際孝敬弗衰姑抱病夫割股以進氏拜天祈禱請以身代及姑死哀毀踰月相繼而亡

戴

珍妻段氏

珍邑庠生氏賦性溫和姑病篤叩天祈禱願以身代割股愈姑

又夫病沉重日夜憂泣復割股救之孝敬兼全鄉黨稱之

張

義妻李氏

安江村人翁張玉林先年事母甚孝李氏奉事翁姑惟謹家貧

自食荳蔞以其米飯奉養公姑姑病親侍湯藥不少倦雖夜深一呼即起人稱其孝知縣

朱若功表其閭免其差徭

呈貢縣志

卷之二

孝婦

附鄉飲

孔正儒

邑庠生好行善事至老不倦舉鄉飲候賓壽八十六歲

郭玉鉉

賦性純篤與村人結社行善舉鄉飲介賓年八十二歲

李棲鵬

邑庠生好善樂施生平以不欺二字為做人根本舉鄉飲候賓年八十餘歲身

猶健

劉

繡安分知足淡於勢利舉鄉飲介賓

附木鐸

羅

燦舊志載其妻死不娶

流寓

自古賢人君子流風餘韻所過之地所與之人  
所愛之物無弗與之俱傳其故何與蓋天下可  
貴者道德可重者名節可傳者文章非地能重  
人地以人重耳呈貢僻處滇南海內賢豪足跡  
罕到然而羈臣遷客偶焉駐足鴻詞鉅筆間有  
題咏亦考古者所不廢也志流寓

楊

慎

號升庵四川人狀元以議大禮忤旨戍滇過呈貢寓海寶寺有詩

李

贇

號卓吾福建晉江人任姚安府知府過呈貢寓三台山有一覽收滄海三台自

呈貢縣志

卷之二

流寓

七

草亭之聯

曹穎昌

號石霞湖廣進士寄水月庵與一解文學友善邑宰趨公申禧高其節時往候

之其門人有以經畧至滇者謂先生閉戶不納托為失明

學

期

字知音李姓四川南溪縣人明末父為建水州牧自蜀省親為流寇所獲欲仕

之不屈削髮為僧

隱逸

進退存亡儒者自有當然道理何必以退隱為  
高哉然後世奔走富貴惟恐不及絕不知有人  
閒廉恥二字矣苟得一二恬淡之士高蹈遠引



縣某至其地曰此過水洞耳何用祭為須臾洞中飛出白蛾數萬直上於天宛如龍狀雷雨雪雹大作知縣懼次日復具牲醴祀之

隆慶六年七月十三日金勒村田中水湧高丈

許雷聲大震田忽成潭今饒灌漑之利石銀有

記

卧鹿兆瑞康熙四十年署事揭公啟建文明坊有鹿卧於明倫堂內匠人入室始驚去次年鄉科發解登魁者數人

呈貢縣志

卷之二

災祥

七

雍正二年七月大水廣南衛落水洞壅塞水逆流淹沒田地人言為康熙五十二年地震所致知縣朱若功為文以祭次年復令人挖黑龍潭洞口淤泥洞隨通河邊可種桑菜于

雍正二年十一月二十四日地震宜良河陽路

南嵩明等處壓壞房室人畜甚多蒙

各憲即時捐資賑濟呈貢雖震無恙

呈貢縣志卷之二終

